

AKHBAR : BERITA HARIAN

MUKA SURAT : 14

RUANGAN : KESIHATAN

KES CACAR MONYET

# Henti sebar maklumat cetus resah

• Kementerian sahkan tiada jangkitan dilapor

Oleh Irwan Shafriyan Ismail  
irwansha@NSTP.com.my

\* Putrajaya

**K**ementerian Kesihatan menegaskan, tiada kes cacar monyet dikesan atau dilaporkan berlaku di Malaysia.

Ketua Pengarah Kesihatan, Datuk Dr Noor Hisham Abdullah, berkata orang ramai diminta tidak menyebarkan maklumat atau berita palsu, yang boleh menimbulkan keresahan masyarakat.

"Kementerian ingin merujuk kepada berita yang tersebar luas melalui media sosial, mengenai kejadian cacar monyet didakwa berlaku di Johor dan Kuala Lumpur; namun tiada kes itu dikesan atau dilaporkan di Malaysia."

#### Kes di Singapura

"Melalui laporan pihak Pertubuhan Kesihatan Sedunia (WHO), kes cacar monyet terkini yang dilaporkan adalah di Singapura pada 9 Mei lalu, membabitkan seorang warga Nigeria yang tiba ke Singapura pada 28 April bagi menghadiri bengkel. Ia adalah kes pertama dilaporkan di Asia."

"Langkah pencegahan dan kawalan ketat sudah dan sedang dijalankan Kementerian Kesihatan Singapura, bagi mengurangkan risiko penularan penyakit, termasuk kuarantin ke atas 23 orang yang

mempunyai sejarah kontak rapat dengan kes bagi pemantauan status kesihatan mereka."

"Tiada rakyat Malaysia yang dilaporkan oleh pihak Kementerian Kesihatan Singapura menjadi kontak kepada kes cacar monyet itu," katanya, semalam.

Dr Noor Hisham berkata, Kementerian Kesihatan sudah mengeluarkan surat makluman kepada fasiliti kesihatan, bagi memberi makluman umum pengendalian kes dan juga soalan lazim mengenai jangkitan cacar monyet bagi rujukan orang awam.

"Kementerian juga menasihahkan pelancong yang ingin pergi ke kawasan yang melaporkan kejadian cacar monyet di Afrika Tengah dan Barat, untuk mengambil langkah berjaga-jaga."

"Mengekalkan kebersihan diri yang tinggi, termasuk mencuci ta-



Dr Noor Hisham Abdullah

ngan dengan kerap selepas pergi ke tandas atau apabila tangan kotor."

"Mengelakkan daripada sentuh langsung dengan luka pada mereka yang dijangkiti, sama ada manusia maupun haiwan, serta objek yang mungkin tercemar dengan cecair tubuh kes seperti pakaian kotor digunakan oleh orang dijangkiti," katanya.

Virus cacar monyet disebarluaskan kepada manusia melalui gigitan atau sentuh langsung, dengan darah binatang atau cecair badan dan luka haiwan dijangkiti.

#### Disebar melalui penafasan

Virus itu boleh disebarluaskan melalui titisan pernafasan selain kontak langsung dengan cecair badan orang yang dijangkiti atau dengan objek yang tercemar virus, seperti tempat tidur atau pakaian.

Tempoh inkubasi biasanya antara enam hingga 21 hari.

Pesakit akan mengalami gejala selama dua hingga empat minggu dengan tanda dan gejala jangkitan seperti demam, kelelahan, sakit kepala serta ruam makulopapular, yang bermula di muka sebelum melarap ke tapak tangan dan kaki, diikuti oleh bahagian tubuh yang lain.

AKHBAR : BERITA HARIAN  
MUKA SURAT : 24  
RUANGAN : ISU

# Tiada kes cacar monyet di Johor

**Johor Bahru:** Jabatan Kesihatan Negeri menegaskan, tiada kes jangkitan cacar monyet dikesan di Johor itu sehingga kini.

Pengerusi Jawatankuasa Kesehatan, Kebudayaan dan Warisan negeri, Mohd Khuzzan Abu Bakar, berkata langkah pencegahan tetap diambil supaya jangkitan tidak berlaku kepada rakyat negara ini.

Sehingga kini, katanya, maklumat berkaitan cacar monyet sudah diedar kepada semua petugas kesihatan termasuk barisan hadapan untuk mengenal pasti kes disyaki sekiranya ada.

"Selain itu, kita juga meningkatkan aktiviti pemantauan di semua pintu masuk di Johor terutamanya kepada mereka yang mempunyai sejarah melawat Afrika.

"Semua kes disyaki perlu dirujuk ke hospital dengan segera, manakala kemudahan kesih-

tan sudah diberi arahan supaya melakukan pengasingan bagi kes yang disyaki cacar monyet.

"Petugas juga diarah melapor segera jika ada kes disyaki penyakit cacar monyet ke bilik gerakan Crisis Preparedness Response Center (CPRC) Johor," katanya dalam kenyataan di sini, semalam.

## Amal kebersihan

Mohd Khuzzan berkata, orang ramai perlu sentiasa mengamalkan kebersihan diri termasuk menjaga kebersihan tangan dengan mencuci menggunakan sabun dan air, selain disaran menggunakan sanitizer berasaskan alkohol apabila air dan sabun tidak ada.

"Sesiapa yang ke negara endemik cacar monyet hendaklah mengelakkan hubungan dengan haiwan liar dan tidak memakan daging haiwan liar.

"Negara endemik cacar mo-

nyet adalah Afrika tengah dan barat termasuk Republik Demokratik Congo, Republik Congo, Kamerun, Republik Afrika Tengah, Nigeria, Ivory Coast, Liberia, Sierra Leone, Gabon dan Sudan Selatan.

## Dapatkan rawatan segera

"Mana-mana pengembala yang tidak sihat ketika perjalanan atau selepas kembali dari negara endemik cacar monyet perlu mendapatkan rawatan segera," katanya.

Pada 9 Mei lalu, Kementerian Kesehatan Singapura meng-

esahkan satu kes import cacar monyet daripada pesakit warga Nigeria berusia 38 tahun yang tiba di Singapura untuk menghadiri satu bengkel pada 28 April lalu.

Pesakit terbabit mengalami simptom termasuk demam, sakit otot dan ruam pada 30 April lalu dan dirujuk ke hospital Tan Tock Seng, Singapura.



Keratan  
akhbar BH,  
16 Mei lalu

AKHBAR : HARIAN METRO

MUKA SURAT : 24

RUANGAN : SETEMPAT

# MONKEYPOX TAK MASUK NEGARA KITA

■ WHO lapor hanya satu kes di Singapura selepas republik itu terima kunjungan warga Nigeria

Siti Aisyah Sukaimi  
sitis@metronet.com.my

Pelajaya

**S**ejak pagi kini, tiada kes monkeypox atau jangkitan cacar monyet dilasari atau dilaporkan berlaku di Malaysia seperti yang tuar mewakil media sosial berhubung dakaun kejadian di Johor dan Kuala Lumpur.

Ketua Pengarah Kesihatan, Datuk Dr Noor Hisham Abdullah berkata, melalui laporan daripada pihak Pertubuhan Kesihatan Sedunia (WHO), kes monkeypox terkini yang dilaporkan adalah di Singapura pada 9 Mei lalu.

Memurumnya, ia hanya membatikan seorang warga Nigeria yang datang ke Singapura pada 28 April bagi menghadiri bengkel serta kes pertama dilaporkan di Asia.

"Langkah pencegahan dan kawalan ketat sudah dan sedang dijalankan oleh Kementerian Kesihatan Singapura bagi mengurangkan risiko penularan penyakit itu termasuk kuarantin ke atas 23 orang yang mempunyai sejarah kontak rapat dengan kes bagi pemantauan status kesihatan mereka."

"Selain itu, tiada rakyat Malaysia yang dilaporkan oleh pihak Kementerian Kesihatan Singapura menjadil kontak kepada kes monkeypox itu," katanya dalam kenyataan hari ini.

Beliau berkata, virus monkeypox berjangkit kepada manusia melalui gigil atau sentuhan langsung dengan darah binatang atau cecair badan dari luka haiwan yang dijangkiti, malah ia boleh disebarluaskan melalui tisiran pernafasan.

"Virus monkeypox ini juga boleh disebarluaskan melalui kontak langsung dengan cecair badan orang yang dijangkiti atau dengan objek tercemar virus seperti tempat tutup atau pakalan."

Tempoh inkubasi biasanya antara enam hingga 21 hari dan pesakit akan mengalami

gejala selama dua hingga empat minggu. Tanda dan gejala jangkitan adalah demam, kelelahan, sakit kepala serta ruam makulopapular bermula di muka kemudian menyebar ke tapak tangan dan tapak kaki ditutupi bahagian rubah yang lain.

"Tiada rawatan atau vaksin khusus untuk jangkitan monkeypox. Kemungkinan transmisi jangkitan daripada manusia ke manusia adalah terhad," katanya.

Mengulas lanjut, Dr Noor Hisham berkata, penyakit monkeypox dilaporkan di kawasan hutan hujan tropika di Afrika Tengah dan Barat sejak 2005.

"Negara di kawasan ini adalah Republik Demokratik Congo, Republik Congo, Cameroon, Republik Afrika Tengah, Nigeria, Ivory Coast, Liberia, Sierra Leone, Gabon dan Sudan Selatan."

"Ia dianggap endemik di Republik Demokratik Congo (DRC) dengan lebih daripada 1,000 kes disyaki setiap tahun. Nigeria melaporkan wabak monkeypox yang besar pada 2017 hingga 2018," katanya.

Dalam pada itu, beliau berkata, Kementerian

Kesihatan akan terus memantau status terkini jangkitan monkeypox melalui maklumat terkini daripada pihak WHO manakala, penekanan diberikan kepada anggota kesihatan mengenai pemantauan kes yang disyaki monkeypox di Malaysia.

Katanya, Kementerian Kesihatan juga menasihati pelancong yang ingin pergi ke kawasan yang melaporkan kejadian monkeypox

di Afrika Tengah dan Barat untuk mengambil langkah berjaga-jaga.

Antaranya, mengekalkan kebersihan diri yang tinggi termasuk mencuci tangan dengan kerap selepas ke tandas atau apabila tangan kotor selain mengelakkan sentuhan langsung dengan luka pada mereka yang dijangkiti, sama ada manusia mahu pun haiwan serta objek mungkin tercemar dengan cecair tubuh kes seperti pakaian kotor digunakan oleh orang dijangkiti.

Seterusnya, mengelakkan daripada bersentuhan dengan haiwan liar atau memakan

dagingnya manakala pelancong yang tiba dari kawasan terdapat jangkitan monkeypox dan mengalami gejala penyakit ini dalam tempoh tiga minggu selepas meninggalkan kawasan itu dinasihatkan segera mendapatkan rawatan di fasiliti kesihatan terdekat.

Justeru, Dr Noor Hisham berkata, Kementerian

Kesihatan sekali lagi menegaskan, tiada kejadian kes monkeypox dikecualikan wabak monkeypox yang besar pada 2017 hingga 2018

"Kementerian Kesihatan sudah mengeluarkan surat makluman kepada fasiliti kesihatan bagi memberi makluman umum pengendalian kes dan juga soalan lazim (Frequently Asked Questions - FAQ) mengenai jangkitan monkeypox bagi rujukan orang umum untuk menjelaskan lagi mengenai penyakit ini," katanya.



**FAKTA**  
Nigeria melaporkan wabak monkeypox yang besar pada 2017 hingga 2018

AKHBAR : KOSMO  
MUKA SURAT : 14  
RUANGAN : NEGARA



AMBAR seorang lelaki yang didakwa menghidap penyakit cacar monyet tular di media sosial.

## Tiada rakyat Malaysia dijangkiti cacar monyet

KUALA LUMPUR - Kementerian Kesihatan menafikan dakwaan yang tular di media sosial mengenai seorang rakyat Malaysia di Singapura dijangkiti penyakit 'monkeypox' atau cacar monyet.

Ketua Pengarah Kesihatan, Datuk Dr. Noor Hisham Abdullah (**gambar kecil**) berkata, dakwaan tersebut adalah berita palsu dan menegaskan tiada kes jangkitan penyakit itu dikesan di negara ini.

"Tiada rakyat Malaysia yang dilaporkan oleh pihak Kementerian Kesihatan Singapura menjadi kontak kepada kes 'monkeypox' itu.

"Kementerian sekali lagi ingin menegaskan bahawa tiada kejadian kes 'monkeypox' dikesan atau dilaporkan berlaku di Malaysia.

Orang ramai diingatkan supaya tidak menyebarkan maklumat atau berita palsu yang boleh menimbulkan keresahan masyarakat," katanya dalam satu kenyataan di sini semalam.

Baru-baru ini, tular di media sosial mengenai kejadian 'monkeypox' yang didakwa berlaku di Johor dan Kuala Lumpur.

Pada 9 Mei lalu, Kementerian Kesihatan Singapura dalam satu kenyataan mengesahkan satu kes import 'monkeypox' dikesan melibatkan pesakit warga Nigeria berusia 38 tahun yang menghadiri satu bengkel di negara tersebut pada 28 April.

Virus 'monkeypox' atau cacar monyet boleh merebak kepada manusia melalui gigitan atau sentuhan langsung dengan darah binatang atau cecair badan dan luka haiwan yang dijangkiti.

Virus itu juga boleh disebarluaskan melalui sentuhan langsung dengan cecair badan orang yang dijangkiti atau dengan objek yang tercemar virus, seperti tempat tidur atau pakaian. Tiada rawatan atau vaksin khusus untuk jangkitan 'monkeypox'. - Bernama



**AKHBAR : Sinar Harian**  
**MUKA SURAT : 3**  
**RUANGAN : NASIONAL**

# Tiada monkeypox di Malaysia

**KKM nafi dakwaan di media sosial kononnya seorang rakyat Malaysia telah dijangkiti**

KUALA LUMPUR

**K**ementerian Kesihatan (KKM) menafikan dakwaan yang tular di sosial media mengenai seorang rakyat Malaysia di Singapura dijangkiti penyakit monkeypox atau cacar monyet.

Ketua Pengarah Kesihatan, Datuk Dr Noor Hisham Abdullah dalam satu kenyataan semalam berbincang, dakwaan tersebut adalah palsu dan menegaskan tiada kes jangkitan penyakit itu dikecualikan di negara ini.

"Tiada rakyat Malaysia yang dilapor oleh pihak Kementerian Kesihatan (MOH) Singapura menjadi kontak kepada kes monkeypox itu."

"KKM sekali lagi ingin menegaskan bahawa tiada kejadian kes monkeypox dikesan atau dilaporan berlaku di Malaysia. Orang ramai diingatkan supaya tidak menyebarkan maklumat atau berita palsu yang boleh menim-

bulkan keresahan masyarakat," katanya.

Baru-baru ini, tular di media sosial mengenai kejadian monkeypox yang didakwa berlaku di Johor dan Kuala Lumpur.

Pada 9 Mei lepas, Kementerian Kesihatan Singapura dalam satu kenyataan mengesahkan satu kes import monkeypox dikesan melibatkan pesakit warga Nigeria berusia 38 tahun yang menghadiri satu bengkel di negara tersebut pada 28 April.

Terdahulu, Pengerusi Jawatankuasa Kesihatan, Kebudayaan dan Warisan Johor, Mohd Khuzzan Abu Bakar dalam kenyataan mengesahkan tiada kes monkeypox dikecualikan di negeri itu.

Bagaimanapun, katanya, Jabatan Kesihatan Negeri Johor (JKN) tetap mengambil langkah berjaga-jaga dan tindakan bagi mencegah jangkitan penyakit itu termasuk meningkatkan aktiviti pemantauan di semua pintu masuk Johor, terutamanya dalam kalangan mereka yang pernah melawat Nigeria.

Virus monkeypox atau cacar monyet boleh merebak kepada manusia melalui gigitan atau sentuhan langsung dengan darah binatang atau cecair badan dan luka haiwan yang dijangkiti.



DR NOOR HISHAM

## INFO CACAR MONYET

- Disebarluaskan oleh monyet, tikus, arnab dan tupai Afrika.
- Penyakit jarang dijangkiti dan dikesan di daerah terpencil tengah dan barat Afrika.
- Boleh menjangkiti manusia apabila berlaku interaksi langsung dengan haiwan dijangkiti virus.
- Pertama kali menjangkiti manusia pada 1970.
- Kadar kematian disebabkan cacar monyet adalah satu hingga 10 peratus.

SUMBER: Pertubuhan Kesihatan Dunia (WHO)



Virus itu juga boleh disebarluaskan melalui sentuhan langsung dengan cecair badan orang yang dijangkiti atau dengan objek yang tercemar virus seperti tempat tidur.

Tanda dan gejala jangkitan ialah demam, keletihan, sakit kepala serta ruam makulopapular (cacar) yang bermula di muka kemudian menyebar ke tapak tangan dan tapak kaki, diikuti oleh bahagian-bahagian tubuh yang lain. Tiada rawatan atau vaksin khusus untuk jangkitan monkeypox. - Bernama

**AKHBAR : UTUSAN MALAYSIA****MUKA SURAT : 4****RUANGAN : DALAM NEGERI**

## Tiada kes cacar monyet dikesan di Malaysia

**PUTRAJAYA 22 Mei** - Kementerian Kesihatan Malaysia (KKM) menegaskan, sehingga kini, tiada kes cacar monyet atau *monkeypox* dikesan atau dilaporkan berlaku di negara ini.

Ketua Pengarah Kesihatan, Datuk Dr. Noor Hisham Abdullah berkata, melalui laporan daripada pihak Pertubuhan Kesihatan Sedunia (WHO), kes *monkeypox* terkini yang dilaporkan adalah di Singapura pada 9 Mei lalu.

Ia melibatkan seorang warganegara Nigeria yang datang ke republik itu pada 28 April 2019 bagi menghadiri bengkel dan merupakan kes pertama dilaporkan di Asia.

Beliau berkata, langkah-langkah pencegahan dan kawalan ketat telah dan sedang dijalankan oleh Kementerian Kesihatan Singapura bagi mengurangkan risiko penularan penyakit tersebut, termasuk kuarantin ke atas 23 orang yang mempunyai sejarah kontak rapat dengan kes bagi pemantauan status kesihatan mereka.

"Tiada rakyat Malaysia yang dilaporkan oleh pihak Kementerian Kesihatan Singapura menjadi kontak kepada kes *mon-*

*keypox* itu," katanya dalam satu kenyataan di sini hari ini.

Menurut Dr. Noor Hisham, virus *monkeypox* ditularkan kepada manusia melalui gigitan atau sentuhan langsung dengan darah binatang atau cecair badan dan luka haiwan yang dijangkiti.

Virus ini juga boleh disebarluaskan melalui titisan pernafasan dan kontak langsung dengan cecair badan orang yang dijangkiti atau dengan objek yang tercemar virus seperti tempat tidur atau pakaian.

Katanya, tempoh inkubasi virus ini biasanya antara enam hingga 21 hari dengan pesakit akan mengalami gejala selama dua hingga empat minggu.

"Tanda dan gejala jangkitan adalah demam, keletihan, sakit kepala serta ruam makulopapular yang bermula di muka kemudian menyebar ke tapak tangan dan tapak kaki, diikuti oleh bahagian-bahagian tubuh yang lain.

"Tiada rawatan atau vaksin khusus untuk jangkitan *monkeypox*. Kemungkinan transmisi jangkitan dari manusia ke manusia adalah terhad," jelas beliau.

AKHBAR : NEW STRAITS TIMES

MUKA SURAT : 11

RUANGAN : NATION/NEWS

# MINISTRY DENIES MONKEYPOX RUMOURS

D-G says there are no cases of the disease in Johor and Kuala Lumpur

AZURA ABAS  
PUTRAJAYA  
news@nst.com.my

**T**HE Health Ministry has rubbished claims that monkeypox cases have been detected in Johor and Kuala Lumpur.

Health director-general Datuk Dr Noor Hisham Abdullah said there was no reported case of the disease in the country.

He said the World Health Organisation (WHO) had reported a monkeypox case in Singapore, involving a Nigerian who had arrived in the republic on April 28. The man tested positive for monkeypox on May 8.

"This is the first case reported in Asia. The Singaporean health authorities have undertaken precautionary measures and

strict control to reduce the risk of the disease spreading, including quarantining 23 people who had close contact with the patient.

"The Singaporean Health Ministry reports that no Malaysians are among those quarantined."

Dr Noor Hisham said the ministry would monitor information from WHO on monkeypox.

"Healthcare providers have been advised to be vigilant for potential monkeypox cases in Malaysia.

"The ministry advises those travelling to places with reported monkeypox cases, such as central and west African countries, to be extra careful, including maintaining good hygiene practices, such as washing one's hands after using the toilet or when they become dirty.

"One should avoid touching the wounds of those infected (with the disease), either humans or animals, or contaminated items, such as a patient's soiled clothes.

"Also, one should not touch wild animals or eat their meat.

"Those who show symptoms within three weeks of leaving the said countries must seek immediate medical treatment and inform the doctors of their travel history."

Dr Noor Hisham reminded the public to stop spreading fake news which could cause unease among the people.

"The ministry has issued a notification letter to healthcare facilities on general information of handling (a possible) case (of monkeypox), as well as FAQs (frequently asked questions) on monkeypox infection for public reference.

"The FAQs can be accessed via

<https://web.facebook.com/kkmcprc/posts/>"

The incubation period (interval from infection to onset of symptoms) of monkeypox is reported to be usually from six to 16 days, but can range from five to 21 days.

Monkeypox symptoms include fever, intense headache, lymphadenopathy (swelling of the lymph node), back pain, myalgia (muscle ache), an intense asthenia (lack of energy); various stages of rash appear, often beginning on the face and then spreading elsewhere on the body.

WHO, on its website, said sporadic cases of monkeypox had been reported from west and central African countries, and with increasing awareness, more countries were identifying and reporting cases.

It added that since 1970, human cases of monkeypox have been reported from 10 African countries — Democratic Republic of the Congo, Republic of the Congo, Cameroon, Central African Republic, Nigeria, Ivory Coast, Liberia, Sierra Leone, Gabon and South Sudan.

"In 2017, Nigeria experienced the largest documented outbreak, approximately 40 years since the country had last confirmed cases of monkeypox."



Datuk Dr Noor Hisham Abdullah